

Kommune Kujallermi qimmeqarsinnaanermut qitsuuteqarsinnaanermullu ileqqoreqqusaq

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18 30. oktober 1998-meersumi § 13, imm. 1 aamma § 28, imm. 2 aamma 4, kingusinnerusukkullu Inatsisartut Inatsisaatigut nr. 23 22. november 2011 allanngortinneqartut naapertorlugit aalajangerneqarpoq:

Qimmeqarsinnaanermut qitsuuteqarsinnaanermullu akuersissut

§1. Kommune Kujallermi qimmeqarsinnaanermut qitsuuteqarsinnaanermullu piumasaqaataavoq kommunalbestyrelsimit allakkatigut akuersissuteqarnissaq.

Imm. 2. Qinnuteqaat Kommune Kujallermi najukkani Teknikikkuti ingerlatsivimmut nassiunneqassaaq. Qinnuteqaammi uppersarsarneqassaaq ileqqoreqqusami matumani aalajangersakkat eqquuttinneqarsimanissaat.

Imm. 3. Qimmeqarsinnaanermut qitsuuteqarsinnaanermullu akuersissut inuup nammineq pigivaa taamaattumillu inunntut allanut tunniunneqarsinnaannani.

§ 2. Kommunalbestyrelsip inuit qimmeqarsinnaanermut qitsuuteqarsinnaanermullu akuersissummik qinnuteqarneranik itigartissinnaavai, sakkortuummik arlaleriarlutilluunniit maleruaqqusaq una unioqqutissimappassuk.

Imm. 2. Kommunalbestyrelsip qimmeqarsinnaaneq itigartitsissutigisinnaavaa innersuussutigalugu qimmeq pineqartoq/qimmip suussusia pissutigalugu, qimmiutigineqartut katillutik qanoq amerlatigissusiat eqqarsaatigalugu, qimmip sumi najugaqarnera aammalu kommuunip innuttai ataatsimut eqqarsaatigalugit.

Eqqussinissamut akuersissummik noqqaassummik tunniussaqaarneq

§ 3. Inuit ataasiakkaat Kalaallit Nunaannut qimminik qitsunnillu eqqussinissamik akuersissummik qinnuteqaataat tunniunneqassaaq *Kalaallit Nunaata Sinniisoqarfianut, Strandgade 91, Postbox 2151, 1016 København K*, aallarussinissaq sioqqutingaatsiarlugu aamma uppersaatinik pisariaqartunik ilaqartinneqassaaq.

Imm. 2. Uumasumik eqqussinissamut Sinniisoqarfiup akuersissutaa, kiisalu allagartat uppersaatillu uumasumut malitsigitinneqassapput.

Qimmiuteqarfiullutillu qitsuuteqarfiusinnaasut

§ 4. Angallatini Kommune Kujallermi angerlarsimaffilinni qimmiuteqarneq qitsuuteqarnerluunniit inerteqqutaavoq.

Imm. 2. Angallatit Kommune Kujalliup avataaneersut qimmiuteqarunik qitsuuteqarunilluunniit angallammiit niutinnissaat inerteqqutaavoq, Kommunalbestyrelsi allatut itturnik akuersissuteqarsimangippat.

§ 5. Kommune Kujallermi savaateqarfinni savat qimmii, tassa Border Collie, Kelpie imaluunniit taakkunanga akusat kisimik qimmiutigineqarsinnaapput.

Kinguaasiorsinnaajunnaarsitaaneq

§ 6. Qimmit arnavissat qitsuillu arnavissat tamarmik, Kommune Kujallermut eqqussat imaluunniit pissarsiarisat, pilatsinnikkut imaluunniit kapitinnikkut naartusinnaajunnaarsinnikuussapput. Tamannali atuutinneqanngilaq savaateqarfinni savat qimmiinut.

Imm. 2. Qitsuit ilumittut eqquteqqusaanngillat.

Imm. 3. Qitsuit angutivissat issuerlugit kinguaasisorsinnaajunnaarsinneqarsimassapput.

Imm. 4. Pilatsilluni naartusinnaajunnaarsitsinermut atatillugu aningaasartuutit kommuunip susassaqarfiginngilai.

Imm. 5. Qimminik imaluunniit qitsunnik kinguaassioortitsineq inerteqqutaavoq. Savaateqarfinnili savat qimmiinik, tassa Border Collie, Kelpie imaluunniit taakkunanga akusanik kinguaassioortitsisoqarsinnaavoq.

Illersuummik kapitissimanissaq qungatsimilu allagartat

§ 7. Qimmit qitsuillu malittarisassat ataavartut malillugit nappaatinut illersuummik kapitinnikkuusimassapput.

Imm. 2. Qimmit qitsuillu qungaseqummik atugaqassapput nalunaaqqutalimmik perlerormermut akiuussutissamik kapitissimanermik uppersaatitalimmik aammalu allagartamik normutalimmik Teknikimut Ingerlatsivimmit tunniunneqarsimasunik.

Imm. 3. Qungasequtit qimmimut ajoqusiisinnaasut atornissaat inerteqqutaavoq, tassalu qungasequtit naqqusartallit iml. qungasequtit sukallugit qimitsisinnaasut.

Qimmit pitussimanissaat

§ 8. Qimmip pitoqqatiinnarneqarnissaa inerteqqutaavoq.

Imm. 2. Qimmeq pitoqqassappat pituutaa naannerpaammik meterinik tallimanik takissuseqassaaq.

Imm. 3. Qimmit aneersinneqartut ungaluniitinneqassapput kalunnemilluunniit pitussimatinneqassapput.

Imm. 4. Qimmit taamaallaat pitussimatinneqarsinnaanngillat piginnittumit naalakkersorneqarsinnaagunik illoqarfiulluunniit killeqarfiata avataaniikkunik.

Qimminik nakkutilliisoq

§ 9. Kommune Kujallermi kommunalbestyrelsip toqqassavaa illoqarfinni Nanortalimmi, Qaqortumi Narsamilu qimminik nakkutilliisoq suliassanik makkuninnga akisussaasusoq:

- 1) Qimmit imaluunniit qitsuit nalunaarsorneqarnerat.
- 2) Qimminik imaluunniit qitsunik piginnittut nalunaarsornerat.
- 3) Qimmit angalaaginnartut qaamatini arfinillinnik utoqqaanerulersimasut, qitsuit angalaaginnartut, qimmit qitsuillu inerteqqutaasumik eqqunneqarnikut kiisalu taakkua pineqartut pigineqanngitsut tiguneqarnissaat toqunneqarnissaallu.

Qimmit qitsuillu angalaaginnartut, pigineqanngitsut kiisalu qimmit qitsuillu inerteqqutaasumik eqqunneqarlutillu uumasuutigineqartut

§ 10. Qimmit angalaaginnartut, pigineqanngitsut, uumasuutigineqarnerinik uppersineqarsinnaangitsut aammalu unioqutitsilluni eqqullugillu uumasuutigineqartut toqunneqartassapput.

Imm. 2. Qimmeq qitsulluunniit, kimit pigineqarnerisooq imaaliallaannaq uppersineqarsinnaasoq, soorlu atsiukkamik qungasequtsigaq, nal. akunnerisa 24-t iluanni toqunneqarsinnaavoq, inuttaa ilisimatinneqareersimappat qimmip qitsulluunniit tigusarinqarsimaneramik, inuttaa ersarissumik ilisimatinneqareersimappat, qimmeq qitsulluunniit toqunneqartussaasoq aaneqanngikkuni.

Imm. 3. imm. 1 aamma 2 malillugu toqutsineq pissaaq piginnittumut taarsiissutaassussaassutitaqanngitsumik.

Naammigittaalliorsinnaaneq

§ 11. Arlaatigut qimmiuteqarnermut imaluunniit qitsuuteqarnermut tunngasunik ippigisaqarsimagaanni naammagittaalliut kommunalbestyrelsimut ingerlatinneqassaaq.

Kinguneqartitsineq

§ 12. Qimmit qimuttut kiisalu qimmeqarneq qitsuuteqarnerlu pilugit inatsisartut inatsisaanni § 28, imm. 2. malillugu akiliisitsisoqarsinnaavoq ileqqoreqqusami matumani § 1, imm. 1 aamma 3, § 4, § 5, imm. 1-3 aamma imm. 5, § 6, § 7 aammalu § 8-mi aaliangersakkanut tunngasunik unioqutitsisoqarsimassappat.

Imm. 2. Piginneqatigiiffiit, anpartsselskabit assigisaalluunniit unioqutitsisimappata, ingerlatseqatigiiffik akiliisinneqarsinnaavoq.

Atuutilersinneqarnera


§ 13. Ileqqoreqqusaaq atuutinneqalerpoq ulloq 15.11.2013.

Imm. 2. Tamatumunnga atatillugu atorunnaarsinneqarput kommunit ileqqorerqusaat ukua atorunnaarsinneqarput:

- 1) Qaqortup kommuniani Qimmeqarsinnaanermut qitsuuteqarsinnaanermullu ileqqoreqqusaaq 30/9-2002-meersoq

- 2) Nanortallip kommuniani Qimmeqarsinnaanermut qitsuuteqarsinnaanermullu ileqqoreqqusaq 4/7-2006-meersoq
- 3) Narsap kommuniani Qimmeqarsinnaanermut qitsuuteqarsinnaanermullu ileqqoreqqusaq 13/3-2008-meersoq


Taamaasilluni akuerineqarpoq Kommune Kujallermi kommunalbestyrelsimit, ulloq _____ 2013



Jørgen Wæver Johansen
Borgmester

Matumuunna Kommune Kujallermi qimmeqarsinnaanermut qitsuuteqarsinnaanermullu ileqqorerqusaq naqissuserneqarpoq.

Kalaallit Nunaanni Namminersorlutik Oqartussat, ulloq 14/11 2013



Karl Lyberth
Aalisarnermut, Piniarnermut Nunalerinermullu Naalakkersuisoq